

Broj: 01-11-11-03771-8/2022
Sarajevo, 8.9.2022. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja preporuke Komisije za javne nabavke broj 01-11-11-03771-7/2022 od 5.9.2022. godine za dodjelu ugovora o javnoj nabavci usluga servisiranja i opravke službenih vozila FUZIP-e, po provedenom postupku konkurentskog zahtjeva za dostavljanje ponuda uz primjenu e-aukcije, Direktor Federalne uprave za inspeksijske poslove u ime ugovornog organa, donosi,

O D L U K U

o izboru najpovoljnijeg ponuđača i dodjeli ugovora

I

Prihvata se preporuka Komisije za javnu nabavku broj 01-11-11-03771-7/2022 od 5.9.2022. godine, te se ugovor o javnoj nabavci usluga servisiranja i opravka službenih vozila Federalne uprave za inspeksijske poslove po provedenom postupku konkurentskog zahtjeva za dostavljanje ponuda uz primjenu e-aukcije dodjeljuje ponuđaču „Saradis“ d.o.o. Sarajevo, koji je ponudio najnižu cijenu tehnički zadovoljavajuće ponude.

II

Ugovor sa ponuđačem „Saradis“ d.o.o. Sarajevo, zaključit će se pod slijedećim uslovima:

- Ukupna cijena bez uračunatog PDV-a 21.970,00 KM, odnosno 25.704,90 KM sa uračunatim PDV-om
- Isporuka usluge će se vršiti sukcesivno u skladu sa potrebama Ugovornog organa
- Ugovor će se zaključiti na period od 1 godine od dana zaključivanja istog, odnosno do maksimalnog ugovorenog iznosa
- Rok plaćanja je 30 dana od dana prijema mjesečne fakture na protokol Ugovornog organa.

III

Izabarani ponuđač iz člana I odluke je dužan u roku od 5 (pet) dana od dana prijema odluke dostaviti ugovornom organu dokaze kojim dokazuje svoju ličnu sposobnost u skladu sa članom 45. Zakona o javnim nabavkama Bosne i Hercegovine, i to:

- uvjerenja nadležnih organa kojima se potvrđuje da je ponuđač izmirio svoje dospelje obaveze, a koje se odnose na doprinose za penziono i invalidsko osiguranje i zdravstveno osiguranje
- uvjerenja nadležnih organa kojima se potvrđuje da je ponuđač izmirio svoje dospelje obaveze u vezi sa plaćanjem direktnih i indirektnih poreza.

Dokazi iz prethodnog stava ovog člana moraju biti original ili ovjerena kopija, s tim da datum izdavanja originala ne može biti stariji od 3 mjeseca prije dana dostavljanja ponude. Pod danom dostavljanja ponude smatra se dan koji je ugovorni organ odredio u Tenderskoj dokumentaciji kao krajnji rok za dostavljanje ponude.

Ukoliko ponuđač „Saradis“ d.o.o. Sarajevo ne dostavi naprijed tražene dokaze u ostavljenom roku, isti će biti isključen iz daljeg učešća u postupku javne nabavke zbog neispunjavanja uslova za kvalifikaciju.

IV

Ova odluka će se objaviti na web stranici Federalne uprave za inspeksijske poslove.

Obrazloženje

Nabavka usluga servisiranja i opravka službenih vozila Federalne uprave za inspeksijske poslove je predviđena Planom nabavki Uprave za 2022. godinu, usluge redni broj 4, a procijenjena vrijednost nabavke je 41.000,00 KM bez PDV-a.

Dana 15.7.2022. godine na portalu javnih nabavki BiH je objavljeno obavještenje o nabavci predmetnih usluga, broj obavještenja 1292-7-2-19-3-16/22. Istovremeno sa objavljivanjem obavještenja, Tenderska dokumentacija je učinjena dostupnom potencijalnim ponuđačima na Portalu javnih nabavki, a ista je u skladu sa članom 80. stav (1) Zakona o javnim nabavkama BiH upućena na adrese 3 potencijalna ponuđača.

Dana 23.8.2022. godine u utvrđenom terminu izvršeno javno otvaranje blagovremeno pristiglih ponuda, te je u zapisniku sa otvaranja ponuda konstatovano da su ponude dostavili slijedeći ponuđači sa pročitanim vrijednostima ponuda:

Naziv/ime ponuđača	Ukupna cijena ponude (bez PDV-a)
„Guma M“ d.o.o. Mostar	30.009,34 KM
„Unitrade“ d.o.o. Ljubuški	57.851,98 KM
„Saradis“ d.o.o. Sarajevo	40.999,90 KM
„Conecta“ d.o.o. Sarajevo	42.307,80 KM

Javnom otvaranju ponuda nije prisustvovao predstavnik niti jednog od ponuđača koji su dostavili ponude, a zapisnik sa otvaranja ponuda je odmah putem pošte otpremljen na adrese ponuđača.

Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled obrazaca i drugih dokumenata.

Pregledom dokumentacije koju su dostavili ponuđači, a koja je propisana u tenderskoj dokumentaciji Komisija je utvrdila da su svi ponuđači dostavili dokumentaciju koja je zahtjevana u postupku javne nabavke.

Komisija je izvršila provjeru računске ispravnosti dostavljenih ponuda, te u tom dijelu nije utvrdila nedostatke odnosno greške u računanju.

Postupak e-aukcije je održan u terminu koji je komisija odredila, odnosno dana 2.9.2022. godine sa početkom u 9,30 sati i isti je trajao do 9,50 sati. Komisija je nakon provedene e-aukcije izvršila uvid u izvještaj o toku i završetku e-aukcije za koju je konstatovano da je ista uspješno provedena.

Konačne cijene ponuđene u postupku e-aukcije su prikazane u narednoj tabeli:

Naziv /ime ponuđača	Cijena sa otvaranja (sa PDV-om)	Evaluirana cijena (KM)	Umanjenje cijene u %	Suštinski odgovarajuća ponuda	Rang
„Saradis“ d.o.o. Sarajevo	40.999,90 KM	21.970,00 KM	46,41%	DA	1
„Conecta“ d.o.o. Sarajevo	42.307,80 KM	22.000,00 KM	48%	DA	2
„Guma M“ d.o.o. Mostar	30.009,34 KM	30.009,34 KM	0%	DA	3
„Unitrade“ d.o.o. Ljubuški	57.851,98 KM	57.851,98 KM	0%	DA	4

Dakle, uvidom u izvještaj o toku i završetku e-aukcije, najpovoljniju ponudu u skladu sa kriterijem „najniža cijena“ je u postupku e-aukcije ponudio ponuđač „Saradis“ d.o.o. Sarajevo, a isti je izvršio umanjenje ukupne početne cijene za procenat od 46,41%.

Imajući u vidu sve naprijed navedeno, Komisija je konstatovala da je u skladu sa kriterijem „najniža cijena“ najpovoljnija ponuda ona koju je dostavio ponuđač „Saradis“ d.o.o. Sarajevo, te je Direktor Federalne uprave za inspekcijske poslove dala preporuku da u ime ugovornog organa donese odluku kojom će ugovor dodijeliti navedenom ponuđaču.

Obzirom da ponuđač „Saradis“ d.o.o. Sarajevo u sastavu ponude nije dostavio dokaze (uvjerenja nadležnih organa), shodno odredbi člana 45. ZJN, članom III ove odluke je upozoren na obavezu dostavljanja navedene dokumentacije, kao i na posljedice propuštanja istog.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke Komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 5 (pet) dana od dana prijema iste.



Dostaviti:

1. "Connecta" d.o.o. Sarajevo, Osik 6, 71210 Ilidža-Sarajevo
2. „Saradis“ d.o.o., Donji Hotonj bb, 71320 Vogošća
3. „Guma M“ d.o.o. Mostar, Bišće polje bb, 88000 Mostar
4. „Unitrade“ d.o.o. Ljubuški, Hrvatskih kraljeva 23, 88320 Ljubuški
5. Sektor za materijalno-finansijske poslove
6. Sektor za tehničku podršku i plansko-analitičke poslove
7. Komsija za javne nabavke (a/a).

12-09-2022

A large, stylized handwritten signature in blue ink is located at the bottom right of the page, overlapping the footer text.

